

Guangjsih Minzcuz Bau

ganhhau: CN45-0036 B.2019 Nd.4 Ng.24 liggaueq geijhailh nienz ndwensam ngeihcib

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3371期

Vujmingz: Son' gyauq Cuengh Gun Song Saw Vah Doidoengh Swncienz Vwnzva Bouxcuengh

Mboengqneix, Vujmingz Gih Gyauryuzgiz fat dunghcih dingh Vujmingz Gauhcungh, Sanghgyauz Cungsing Hagdangz, Senhhuz Cin Cungsing Hagdangz, Sanghgyauz Cin Sanghgyauz Siujoyz, Sanghgyauz Cin Yihlingj Siujoyz daengj 5 aen hagdangz guh hagdangz Cuengh Gun song saw vah. Daengz neix, Vujmingz Gih hagdangz Cuengh Gun song saw vah gyalai daengz 13 aen, ndawde siujoyz 8 aen, cuhcungh 4 aen, gauhcungh aen ndeu.

Vujmingz Gih liglaiz yawjnaek baujhoh vwnzva vahgangj Bouxcuengh, doenggyaq son' gyauq song saw vah doidoengh swncienz caeuq hwnghat vwnzva minzcuz. Bi 2018 ndwen 8, 《Aen Diuzlaeh Hong Saw Vah Minzcuz Vunznoix Gvangjsih Bouxcuengh Swcigih》

cingqsik hengzguh, gyavaiq yamqdin fapceihvaq hong saw vah Bouxcuengh. Seizneix, Sawcuengh Vahcuengh youq Vujmingz Gih hwnghat haemq ndei, nyinhdoengz caeuq yungh gvangqlangh, byaij hwnj diuzroen Cuengh Gun song saw vah huzndei hwnghat. Cigoenggyau, hagdangz, baiz hingzcwngh gihgou daengj, diegdieg raen miz Sawcuengh. Linghvaih, Vujmingz Gih Gvangjbo Densidaiz lij hai le aen cezmuiz Vahcuengh, ndaej daengz vunz lai haenh.

Vujmingz Gih ciuq dajcauh gij binjbaiz minzcuz gyauryuz, haenqrengz saedhengz aen gunghcwngh hidungj vwnzva minzcuz haeuj hagdangz, okyienh buek binjbaiz minzcuz gyauryuz ndeu, bienyaenq 《Vujmingz Mizyinx》《Sawcomz Vwnzva Yizcanj

Vujmingz》daengj buek sawsonhag vwnzva minzcuz deihsueng ndeu; aeu eu fwen, diuq fouxsauz daengj vwnzva minzcuz yungzhauej sonhag bae; Aen Duenz Yienjheiq “Lwgglingloz” Gingloz Siujoyz Daibingz Cin youq bi 2012 daengx gih siujoyz Cuengh Gun song saw vah biujoyen dungxcaiz doxdax ndaej mingz daih' it aen cuj ciengqgo. Bi 2016 byai, Minzcuz Cunghyoz Vujmingz Gih, Gingloz Siujoyz Daibingz Cin ndaej aen cwnghueh “hagdangz guhyienh son' gyauq vwnzva minzcuz swcigih buek nduj”. Bi 2018, Gingloz Siujoyz Daibingz Cin ndaej hwnj mbaw buengj gingniemh okhingz hong dwzyuz daengx guek cungh siujoyz bi 2018.

(Lij Yungjvaz)

Lungzswng: Beixnuengx Dungcuz Angqhoh Ciet Vwnzva Mbanjdung Geq



Ndwen 4 ngoenz 21, Lungzswng Gak Cuz Swciyen Bingzdwngj Cin Mbanjdung banh ciet vwnzva Mbanjdung geq gaiq nduj nem gij laex giuzbumz hungzginh guhbaenz. Vunzmbanj vuenheij doxcomz giz ndeu, guh caij din venz, danz ciengq go bizbaz caeuq gwn ngaizhumx daengj minzsuz hozdung lai cungj lai yiengh, angqhoh giuzbumz moq ndaw mbanj guhbaenz, angqhoh cietndei. Ndaw doz dwg Beixnuengx Dungcuz cingq gingq laeuj angqcoux bouxhek daeujdaengz.

(Vangz Yungj-danh Vuz Cencen/黄勇丹 吴倩茜)

Nanzningz Si Haiguh Aen Hozdung Camdap Mizciengi 《Diuzlaeh》Yaugoj Yienhda

Ndwen 4 ngoenz 16 daengz 18, vih haeujlaeg hagsib senhconz caeuq gvancez doeksaed 《Aen Diuzlaeh Hong Saw Vah Minzcuz Vunznoix Gvangjsih Bouxcuengh Swcigih》(baihlaj genjdanh heuhguh 《Diuzlaeh》), Nanzningz Si Minzcunghveij (Minzyijveij) lienzhab Si Swhfazgiz, Nanzningz Yizbau youq aen bingzdaiz veihsin gunghcunghau Si Swhfazgiz haiguh aen hozdung camdap cihsiz mizciengi, hozdung guh 3 ngoenz.

Baez hozdung neix cujyau dwg guh muengxyoux dapdaez ciem ciengi, daezmoeg 80% aeu daj 《Diuzlaeh》daeuj, 20% aeu daj 《Fapguek》《Fap Dieg Minzcuz Gagguenj》daengj daeuj, dap deng 7 daez couh ndaej ciem ciengi, ndaej daengz gyoengq muengxyoux angqcoux. Ndwen 4 ngoenz 16 banhaemh 8 diemj, dapdaez hozdung ngamq hainduj aen cungdaez ndeu, vunz caeuqfaenh couh daengz 1000 lai boux, hagsib

senhconz yaugoj yienhda, vih Cunghvaz Yinzminz Gunghozgoz laebbaenz 70 hopbi caeuq 《Diuzlaeh》saedhengz hopbi ndeu cauh ok gij heiqfaenh ndei.

Yamqlaeng, Nanzningz Si yack laebdaeb giethab hong youqgaenj, haeujlaeg hagsib senhconz caeuq gvancez doeksaed 《Diuzlaeh》, gvangq hingzsik caeuq gij naj cwgoemq hagsib ganbu ginzcong, hawj 《Diuzlaeh》haeujlaeg simvunz.

(Veiz Yinzsenz)

SIUSIK DINJ

●Ndwen 4 ngoenz 21, Nanzdanh Yen youq Luzcai Cin Lungzmaej Cunh banh ciet lijyouz vwnzva cazluzlungz bi 2019. Baez hozdung neix ciuq gij hingzsik “nungzyez lijyouz +”, haiguh aen haimuqsik ciet lijyouz vwnzva cazluzlungz, hoih baij gai doxgaiq ndei daegbied Hozciz Si, baij cazyi daengj baenzdaug hozdung, doidoengh lajmbanj it ngeih sam canjnieb yungzhab hwnghat, coicaenh nungzyez gyalai yauqik, vunzguhnaz laisou, lajmbanj lai heu.

(Gvang Vwnzgyangz)

●Vih gaijgez goengrengz gungzhoj youq henzgyawj couhnieb vwndiz, Denhngoz Yen doenggyaq giyez caeuq godij gunghsanghhu youq dieg comzyouq ranzungzhoj cauhaeb aen cehgenh banggunz, sonyinx gak loih saeddaej sou goengrengz gungzhoj couhnieb, daiq ranzungzhoj henzgyawj vut gungz baenz miz. Daengz ndwen 4, aen yienh neix gungh miz 12 aen giyez(godij gunghsanghhu) cauhaeb aen cehgenh banggunz, gungh sou goengrengz 767 vunz couhnieb, ndawde ranzungzhoj laeb dangjanq laeb gaj 316 vunz.

(Vangz Yenzsungh)

●Ndwen 4 ngoenz 17, Loz-yez Yen banh comzyienh langhbaij gij ndangdaenj lai aen minzcuz, senhconz gaisau gij lijyouz swhyenz caeuq minzsuz vwnzva dangdieg. Aen yienh neix 8 aen yanghcin ca mbouj geijlai 200 boux Cuengh, Gun, Myauz, Yauz daengj minzcuz daiqbiuj, ndang daenj buhvaq minzcuz doxcomz minzcuz vwnzva gvangjcaengz yienhsingz gyauhliuz, langhbaij, langhbaij gij yinxdaez vwnzva lai aen minzcuz hawj bouxyawj.

(Goz Yungjfangh)

●Geij bi neix daeuj, Bingzgoj Yen gaenjdaet hopheux aen gunghcwngh saedhengz canjnieb banggunz, aeu gij canjnieb gonengznuengx nonsei dangguh gij canjnieb cujdauj mbanj gungzhoj ranzungzhoj vut gungz baenz miz daeuj gungganq, ok daiz le gij cwnghcwz dajciengi bangfuz, daengx yienh gij canjnieb gonengznuengx nonsei ndaej hwnghat riengjvaih. Seizneix, daengx yienh najdieg suen gonengznuengx mauhgvaq 10 fanh moux, cwgoemq 12 aen yanghcin 117 aen cunh 2.2 fanh ranz.

(Vangz Linaz)